

萬有文庫

第一集一千種

王雲五主編

農政全書

(九)

徐光啓著

商務印書館發行

農政全書

(九)

徐光啓著

萬有文庫

第一集一千種

總編纂者
王雲五

商務印書館發行

農政全書卷之四十九

明特進光祿大夫太子太保禮部尚書兼文淵閣大學士贈少保謚文定上海徐光啟纂輯
明欽差總理糧餉提督軍務兼巡撫應天等處地方都察院右僉都御史東陽張國維鑒定

直隸松江府知府穀城方岳貢同鑒


荒政

採周憲王救荒本草

草部

葉可食

山梗菜



山梗菜 生鄭州賈峪山山野中。苗高二尺許。莖淡紫色。葉似桃葉而短小。又似柳葉菜葉亦小。稍間開淡紫花。其葉味甜。

救飢

採嫩葉。燂熟。淘洗淨。油鹽調食。

狗掉尾苗



狗掉尾苗 生南陽府馬鞍山中。苗長二三尺。拖蔓而生。莖方。色青。其葉似歪頭菜葉。稍大而尖。顏色深綠。紋脉微多。又似狗筋蔓葉。稍間開五瓣小白花。黃心。眾花攢開。其狀如穗。葉味微酸。

救飢

採嫩葉。燉熟。水浸去酸味。淘淨。油鹽調食。


石 芥



石芥 生輝縣鴉子口山谷中。苗高一二尺。葉似地棠菜葉而闊短。每三葉或五葉攢生一處。開淡黃花。結黑子。苗葉味苦微辣。

救飢 採嫩葉。煤熟。換水浸去苦味。油鹽調食。

菜耳獮



獮耳菜 生中牟平野中。苗長尺餘。莖多枝叉。其莖上有細線楞。葉似竹葉而短小。亦軟。又似篇蓄葉。卻頗闊大。而又尖。莖葉俱有微毛。開小點白花。結細灰青子。苗葉味甘。救飢。採嫩苗葉。焯熟。水浸淘淨。油鹽調食。


蒜 回 回



回回蒜 一名水胡椒。又名蠟虎草。生水邊下濕地。苗高一尺許。葉似野艾蒿而硬。又甚花
叉。又似前胡葉頗大。亦多花叉。苗莖稍頭開五瓣黃花。結穗如初生桑椹子而小。又似初生
蒼耳實亦小。色青味極辛辣。其葉味甜。

救飢 採葉煤熟換水浸淘淨。油鹽調食。子可搗爛。調菜用。

地槐菜



地槐菜 一名小蟲兒麥。生荒野中。苗高四五寸。葉似石竹子。葉極細短。開小黃白花。結小黑子。其葉味甜。

救飢 採葉燂熟。水浸淘淨。油鹽調食。


螺 歷 兒

螺歷兒 一名地桑。又名痢見草。生荒野中。莖微紅。葉似野人莧葉。微長窄而尖。開花作赤色。小細穗兒。其葉味甘。

救飢 採苗葉燂熟。水浸淘去邪味。油鹽調食。
治病 今人傳說治痢疾。採苗用水煮服。甚効。




泥胡菜



泥胡菜 生田野中。苗高一二尺。莖梗繁多。葉似水芥菜。葉頗大。花又甚深。又似風花菜。葉卻比短小。葉中攏葶。分生莖又稍間開淡紫花。似刺薊花。苗葉味辣。

救飢 採嫩苗葉。煤熟。水浸淘淨。油鹽調食。

兔兒絲



兔兒絲 生田野中。其苗就地拖蔓。節間生葉。如指頂大。葉邊似雲頭樣。小黃花。苗葉味甜。
救飢 採嫩苗葉。燂熟。水浸淘淨。油鹽調食。

老 鵲 筋

老鵲筋 生田野中。就地拖秧而生。莖微紫色。莖又繁稠。葉似園葵葉而頭不尖。又似野胡蘿蔔葉而短小。葉間開五瓣小黃花。味甜。

救飢 採嫩苗葉。燂熟。水浸去邪味。淘洗淨。油鹽調食。




藍股絞



絞股藍 生田野中。延蔓而生。葉似小藍葉。短小軟薄。邊有鋸齒。又似痢見草。葉亦軟。淡綠。五葉攢生一處。開小花。黃色。又有開白花者。結子如豌豆大。生則青色。熟則紫黑色。葉味甜。救飢。採葉燂熟。水浸去耶味。涎沫。淘洗淨。油鹽調食。


搯娘蒿



搯娘蒿 生田野中。苗高二尺許。莖似黃蒿莖。其葉碎小。茸細如針。色頗黃綠。嫩則可食。老則爲柴。苗葉味甜。

救飢 採嫩苗葉。燂熟。換水浸淘。去蒿氣。油鹽調食。


雞腸菜



雞腸菜 生南陽府馬鞍山荒野中。苗高二尺許。莖方色紫。其葉對生。葉似菱葉樣而無花。又似小灰菜葉。形樣微匾。開粉紅花。結碗子蒴兒。葉味甜。

救飢 採苗葉燂熟。水淘淨。油鹽調食。

水胡蘆苗



水胡蘆苗 生水邊就地拖蔓而生每節間開四葉而葉如指頂大其葉尖上皆作三叉味甜

救飢 採嫩秧連葉燉熟水浸淘淨油鹽調食